

古

詩

源

卷三

古詩源卷八

長洲沈德潛確士選

晉詩

劉

琨

越石英雄失路萬緒悲涼故其詩隨筆傾吐哀音無次讀者烏得於語句間求之

答盧湛

琨頓首損書及詩備酸辛之苦言暢經通之遠旨執玩反覆不能釋手慨然以悲歡然以喜昔在少壯未嘗檢括遠慕老莊之齊物近嘉阮生之放曠怪厚薄何從而生哀樂何由而至自頃翰張困於逆亂國破家亡親友彫殘負杖行吟則百憂俱至塊然獨坐則哀憤兩集時復相與舉觴對膝破涕為笑排終身之積慘求數刻之暫權譬猶疾疢彌年而欲以一丸消之其可得乎夫才生於世世實須才和氏之璧焉得獨曜於郢握夜光之珠何得專玩於隋掌天下之寶當與天下共之但分析之日不能不悵恨耳然後知聃周之為虛誕嗣宗之為妄作也昔駱驥倚輈於吳阪長鳴於良樂知與不知也百里奚愚於虞

秦遇與不遇也。今君遇之矣。勗之而已。不復屬意於文。年矣。久廢。則無次。想必欲其一。反故稱。駮旨。送一篇。適足以彰

來詩之益美耳

琨頓首頓首

厄運初邁。陽爻在六。乾象棟傾。坤儀舟覆。橫厲糾

紛。羣妖競逐。火燎神州。洪流華域。彼黍離離。彼稷

育育。哀我皇晉。痛心在目。其一天地無心。萬物同塗。

禍因莫驗。福善則虛。逆有全邑。義無完都。英蕊夏

落。毒卉冬敷。如彼龜玉。韞櫝毀諸。芻狗之談。其最

得乎。其二咨余軟弱。弗克負荷。協平韻愆豐仍彰。榮寵屢

加。威之不建。禍延凶播。協平韻忠隕于國。孝愆于家。斯

罪之積。如彼山河。斯豐之深。終莫能磨。其三郁穆舊

姻。嬾婉新婚。裹糧攜弱。匍匐星奔。未輟爾駕。已隨

我門。二族偕覆。三孽竝根。長慙舊孤。永負冤魂。其四

亭亭孤幹。獨生無伴。綠葉繁縟。柔條修罕。朝采爾

實。夕將爾竿。協公旦切竿翠豐。尋逸珠盈。椀實消我憂。憂

急用緩。逝將去乎。庭虛情滿。其五虛滿伊何。蘭桂移

植。茂彼春林。瘁此秋棘。有鳥翻飛。不遑休息。匪桐

不棲。匪竹不食。永戢東羽。翰撫西翼。我之敬之。廢

歡輟職。其六音以賞奏。味以殊珍。文以明言。言以暢

神。之子之往。四美不臻。澄醪覆觴。絲竹生塵。素卷

莫啓。幄無談賓。既孤我德。又闕我鄰。其七光光毀主。

出谷遷喬。資忠履信。武烈文昭。於弓駢駢。輿馬翼翼。

翹乃奮長縻。是轡是鑣。何以贈子。竭心公朝。何以

敘懷。引領長謠。其八 前趙錄劉聰僭即位於平陽遣從弟曜攻晉破洛陽遣子粲攻長安陷之首章指國破○老子云

天地不仁以萬物為芻狗二章謂天不祚晉○漢書王尊之子伯為京兆尹軟弱不勝○威之不建二句指為聰所敗而父母遇害已遭禍而

播遷也三章指家亡○晉書琨妻即諶之從母也新婚未詳○琨父母為令狐泥所害諶父母為劉粲所害故云二族偕覆三孽謂琨兄三子

或謂劉聰劉曜劉粲玩下二句恐說不去四章指途中奔竄申上章意

○五章記喻已有資於諶而諶又將之段匹磾所也逸珠喻德盈掩多

也○六章喻諶之段所猶鳳之棲梧桐食竹實而已如秋棘之瘁彌見

可傷○四美頂上音味文言七章言己之孤特亦申前意○八章表段

之忠信見諶之託身得所望其勳力

王室轉危為安收東通篇感激豪宕

重贈盧諶

重贈盧諶

握中有彛璧。本自荆山璆。惟彼太公望。昔在渭濱

叟。平聲鄧生何感激。千里來相求。白登幸曲逆。鴻門

賴留侯。重耳任五賢。小白相射鉤。苟能隆二伯。安

問黨與讐。中夜撫枕歎。相與數子遊。吾衰久矣夫。

何其不夢周。誰云聖達節。知命故不憂。宣尼悲獲

麟。西狩涕孔邱。功業未及建。夕陽忽西流。時哉不

吾與。去乎若雲浮。朱實隕勁風。繁英落素秋。狹路

傾華蓋。駭馬摧雙輈。何意百鍊剛。化為繞指柔。鄧生

鄧禹也。二伯桓文也。數子謂太公以下也。○宣尼二句重複言之。與阮籍多言焉。所告繁辭將訴誰同一反覆申言之意。○拉雜繁會自成絕調。

扶風歌

朝發廣莫門。暮宿丹水山。左手彎繁弱。右手揮

淵。顧瞻望宮闕。俯仰御飛軒。據鞍長歎息。淚下如
流泉。繫馬長松下。發鞍高岳頭。烈烈悲風起。泠泠
澗水流。揮手長相謝。哽咽不能言。浮雲爲我結。歸
鳥爲我旋。去家日已遠。安知存與亡。慷慨窮林中。
抱膝獨摧藏。麋鹿游我前。猿猴戲我側。資糧旣乏
盡。薇蕨安可食。攬轡命徒侶。吟嘯絕巖中。君子道
微矣。夫子故有窮。惟昔李騫期。寄在匈奴庭。忠信
反獲罪。漢武不見明。我欲竟此曲。此曲悲且長。棄
置勿重陳。重陳令心傷。悲涼酸楚亦復不知所云

盧 諶

答魏子悌

崇臺非一幹。珍裘非一腋。多士成大業。羣賢濟弘績。遇蒙時來會。聊齊朝彥跡。顧此腹背羽。愧彼排虛翮。寄身蔭四岳。託好憑三益。傾蓋雖終朝。大分邁疇昔。在危每同險。處安不異易。叶亦俱涉晉昌艱。共更飛狐厄。恩由契闊生。義隨周旋積。豈謂鄉曲

譽。謬充本州役。乖離令我感。悲欣使情惕。理以精神通。匪曰形骸隔。妙詩申篤好。清義賁幽蹟。恨無

隨侯珠。以酬荆文璧。

韓詩外傳晉平公游於河而歎曰安得賢士與之樂此也船人孟胥對曰主君亦不好士

耳何患無士公曰吾食客門左千人右千人何謂不好士乎對曰鴻鵠一舉千里恃有六翮耳背上之毛腹中之毳益一把飛不加高

古詩源卷八
飛不加下今君之食客亦有六翮在其中矣將皆背上之毛腹下之
耶○晉昌郡名時段匹磾為此職諶在磾所難斥言之故曰晉昌也石
勒攻樂平劉琨自
代飛狐口奔安次

時興詩

亶亶圓象運。悠悠方儀廓。忽忽歲云暮。游原采蕭
藿。北踰芒與河。南臨伊與洛。凝霜霑蔓草。悲風振
林薄。撼撼芳葉零。藥藥芬華落。下泉激冽清。曠野
增遼索。登高眺遐荒。極望無崖峩。形變隨時化。神
感因物作。澹乎至人心。恬然存兮漠。燕燕樂垂也

謝尚

大道曲

樂府廣題曰尚為鎮西將軍嘗著紫羅襦據胡牀在市中佛國門樓上彈琵琶作大道曲市人不知為三

也公

青陽二三月。柳青桃復紅。車馬不相識。音落黃埃

中。寫喧雜之

况如見

郭璞

贈温嶠

人亦有言。松竹有林。及爾臭味。異苔同岑。言以忘
得交。以澹成匪。同伊和。惟我與生。爾神余契。我懷
子情。攜手一豁。安知塵冥。異苔同岑句造語新俊士衡贈馮
維熊詩中亦有此意而語特庸常

遊仙詩

遊仙詩本有托而言坎壈詠懷其本
旨也鍾嶸貶其少列仙之趣謬矣

京華遊俠窟。山林隱遯棲。朱門何足榮。未若託蓬

萊臨源挹清波。凌岡掇丹萑。靈谿可潛盤。安事登
雲梯。漆園有傲吏。萊氏有逸妻。進則保龍見。退為
觸藩。羝高蹈。風塵外。長揖謝夷齊。進謂仕進言仕進者為
保全身名之計退則類

觸藩之羝孰若高蹈
風塵從事於遊仙乎

青溪千餘仞。中有一道士。雲生梁棟間。風出窗戶
裏。借問此何誰。云是鬼谷子。翹迹企潁陽。臨河思
洗耳。閶闔西南來。潛波渙鱗起。靈妃顧我笑。粲然
啓玉齒。蹇修時不存。要之將誰使。閶闔指風言言
風至而波紋生

翡翠戲蘭苕。容色更相鮮。綠蘿結高林。蒙龍蓋一
山。中有冥寂士。靜嘯撫清絃。放情凌霄外。嚼藥挹

飛泉赤松臨上遊。駕鴻乘紫烟。左挹浮邱袖。右拍
洪崖肩。借問蜉蝣輩。寧知龜鶴年。

六龍安可頓。運流有代謝。時變感人思。已秋復願
夏。淮海變微禽。吾生獨不化。雖欲騰丹谿。雲螭非
我駕。愧無魯陽德。迴日向三舍。臨川哀年邁。撫心
獨悲吒。

逸翮思拂霄。迅足羨遠游。清源無增瀾。安得運吞
舟。珪璋雖特達。明月難闇投。潛穎怨青陽。陵茗哀
素秋。悲來惻丹心。零淚緣纓流。

清源不能運吞舟之魚喻塵俗不足容乎仙也。言世俗

不欲求仙而怨天施之偏歎浮生之促類潛穎怨青陽之晚臻陵茗哀素秋之早至也潛穎在幽潛而結穎者

雜縣音爰寓魯門風暖將為災吞舟涌海底高浪駕

蓬萊神仙排雲出但見金銀臺陵陽挹丹溜容成

揮玉杯姮娥揚妙音洪崖領其頤升降隨長煙飄

飄戲九垓奇齡邁五龍千歲方嬰孩燕昭無靈氣

漢武非僊才雜縣即爰居也陵陽子明乃仙去者五龍皇后君也昆弟五人皆人面龍身分治五方燕昭使人入海

求蓬萊方丈瀛洲趨然而來截然而止須玩章法

晦朔如循環月盈已復魄蓐收清西陸朱羲將由

白寒露拂陵茗女蘿辭松柏薜榮不終朝蜉蝣豈

見夕圓邱有奇草鍾山出靈液王孫列八珍安期

鍊五石長揖當塗人去來山林客十洲記曰北海外有鍾山自生于歲芝及神草

靈液。王孫列八珍以傷生安期鍊五石以延壽。謂優劣殊也。抱朴子曰五石者丹砂雄黃白礬石曾青磁石也。

曹 昆

夜聽擣衣

寒興御紈素。佳人理衣衾。冬夜清且永。皓月照堂陰。織手疊輕素。朗杵叩鳴砧。清風流繁節。迴颺灑微吟。嗟此嘉運速。悼彼幽滯心。二物感余懷。豈但聲與音。二物承上二語

王羲之

蘭亭集詩。不獨序佳詩亦清超越俗寓目理自陳適我無非新非學道有得者不能言也序為人人誦述

故不錄

仰視碧天際。俯瞰淥水濱。寥闐無涯觀。寓目理自陳。大矣造化工。萬殊莫不均。羣籟雖參差。適我無非新。有逸句云爭先非吾事。靜照在忘求附錄於此。

陶潛淵明以名臣之後際易代之時欲言難言時時寄託不獨詠荆軻一章也六朝第一流人物其詩有不獨步千古者耶鍾嶸謂其原出於應璩成何議論○清遠閒放是其本色而其中自有一段淵深朴茂不可幾及處唐人王儲韋柳諸公學焉而得其性之所近

停雲四章

停雲思親友也罇湛新醪園列初榮願言不從歎息彌襟

靄靄停雲。濛濛時雨。八表同昏。平路伊阻。靜寄東軒。春醪獨撫。良朋幽邈。搔首延伫。

停雲靄靄時雨濛濛。八表同昏。平陸成江。有酒有
酒。閒飲東窗。願言懷人。舟車靡從。
東園之樹。枝條再榮。競用新好。以招余情。人亦有
言。日月于征。安得促席。說彼平生。
翩翩飛鳥。息我庭柯。斂翮閒止。好聲相和。豈無他
人。念子實多。願言不獲。抱恨如何。

時運四章

時運遊暮春也春服既成景
物斯和偶影獨遊欣慨交心

邁邁時運穆穆良朝。襲我春服。薄言東郊。山滌餘
靄。宇曖微霄。有風自南。翼彼新苗。
翼翼寫
出性情

洋洋平津。乃漱乃濯。邈邈遐景。載欣載矚。稱心而言。人亦易足。揮茲一觴。陶然自樂。

延目中流。悠悠清沂。童冠齊業。閒詠以歸。我愛其靜。寤寐交輝。但恨殊世。邈不可追。

斯晨斯夕。言息其廬。花藥分列。林竹翳如。清琴橫牀。濁酒半壺。黃唐莫逮。慨獨在予。

晉人放達陶公有憂勸語有安分語有自任語

○黃農之感寄意西
山此旨時或流露

勸農六章

悠悠上古。厥初生人。傲然自足。抱樸含真。智巧既萌。資待靡因。誰其贍之。實賴哲人。